

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 102. sjednici, održanoj dana 12.04.2021. godine, d o n o s i

## **ZAKLJUČAK**

### **I.**

Prima se na znanje Izvještaj o radu Kantonalnog pravobranilaštva Zenica za 2020. godinu.

### **II.**

Izvještaj iz tačke I. ovog zaključka upućuje se u dalju skupštinsku proceduru.

### **III.**

Ovaj zaključak stupa na snagu danom donošenja.

**PREMIJER**

*Mirnes Bašić*

Broj: 02-\_\_\_\_\_/21  
Datum, 12.04.2021. godine  
Zenica

DOSTAVLJENO:

1x Ministarstvo za pravosuđe i upravu,  
1x Stručna služba Skupštine,  
1x Kantonalno pravobranilaštvo Zenica,  
1x a/a.

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**KANTONALNO PRAVOBRANILAŠTVO**  
**Broj: Up- 1 /21**

**IZVJEŠTAJ**  
**O RADU KANTONALNOG PRAVOBRANILAŠTVA ZENICA**  
**za period od 01.01.2020. do 31.12.2020. godine**

**Zenica, 18.03.2021.godine**

**Kantonalni pravobranilac**

**Seđad Kliko**

Na osnovu odredbe čl. 31. Zakona o pravobranilaštvu («Službene novine Zeničko-dobojskog kantona», br. 12/13), Kantonalno pravobranilaštvo Zenica podnosi Vladi i Skupštini Zeničko-dobojskog kantona

## **IZVJEŠTAJ** **O RADU KANTONALNOG PRAVOBRANILAŠTVA ZENICA** **za period od 01.01.2020. do 31.12.2020. godine**

### **I      Uvod**

Kantonalno pravobranilaštvo Zenica (u daljem tekstu: Pravobranilaštvo) je neovisan i samostalan kantonalni organ, koji preduzima mjere i pravna sredstva radi pravne zaštite imovine i imovinskih interesa Zeničko-dobojskog kantona (u daljem tekstu: Kanton).

Nadležnost i djelokrug rada Kantonalnog pravobranilaštva Zenica u odnosu na poduzimanje pravnih radnji i mjera u cilju zaštite imovine i imovinskih interesa Zeničko-dobojskog kantona, propisani su Zakonom o pravobranilaštvu («Službene novine Zeničko-dobojskog kantona», br. 12/13), kojim je određeno da poslove zaštite imovinskih prava i interesa Kantona i njegovih organa i organizacija, te drugih organa i organizacija koji nemaju svojstvo pravnog lica, a finansiraju se iz budžeta Kantona, obavlja Kantonalno pravobranilaštvo Zeničko-dobojskog kantona, koje vrši svoju funkciju na osnovu zakona i drugih propisa, a što podrazumijeva da Pravobranilaštvo obavlja slijedeće poslove:

- kao samostalan organ, u postupku pred sudovima i drugim nadležnim organima, zastupa Kanton kao zakonski zastupnik i preduzima pravna sredstva radi zaštite imovinskih prava i interesa Kantona i kantonalnih organa u svim sudskim i upravnim postupcima,
- preduzima mjere radi pokušaja zaključenja vansudske nagodbe prije pokretanja postupka pred nadležnim sudom ili drugim organom, ili u toku pokrenutog postupka, te zaključuje sporazume o vansudskim nagodbama sa dužnicima ili povjeriocima Kantona, uz saglasnost Vlade Kantona, odnosno Komisije za predhodnu saglasnost za zaključivanje sudske i izvansudske nagodbe Vlade Kantona,
- daje mišljenja prije zaključivanja privrednih ugovora i ugovora koji regulišu imovinsko – pravna pitanja,
- daje pravna mišljenja i pruža stručnu pomoć kantonalnim organima pri rješavanju imovinsko-pravnih odnosa,
- u okviru preventivnog djelovanja, prati i proučava pojave i probleme iz oblasti vršenja svojih funkcija koje se odnose na primjenu zakona, te obavještava nadležne organe i predlaže mjere za sprečavanje društveno štetnih pojava.

Pored navedenih, Pravobranilaštvo obavlja i poslove utvrđene posebnim zakonima i drugim propisima, koji su, između ostalih, slijedeći:

- podnosi nadležnim tužilaštvima i sudovima imovinsko pravni zahtjev u skladu sa Zakonom o krivičnom postupku, nakon obavještenja od strane nadležnog suda/tužilaštva, kada je usljed krivičnog djela oštećena imovina Kantona,
- daje pravna mišljenja na dostavljene prijedloge ugovora koji regulišu imovinsko pravna pitanja, a na osnovu ovlaštenja koja su utvrđena u: Zakonu o stvarnim pravima, Zakonu o poljoprivrednom zemljištu, Zakonu o koncesijama, Zakonu o šumama, kao i drugim zakonima i propisima,
- pokreće postupak za upis stvarnih prava na nekretninama čiji je nosilac Kanton, kao i upis javnih i općih dobara, na osnovu Zakona o stvarnim pravima,
- može podnijeti žalbu protiv rješenja kojim je povrijeđen zakon u korist pojedinca ili pravnog lica a na štetu javnog interesa, u skladu sa ovlaštenjem koje mu je dato odredbama Zakona o opštem upravnom postupku,

- na osnovu Zakona o upravnim sporovima može pokrenuti upravni spor, kad je upravnim aktom povrijeđen zakon na štetu Kantona, koga Kantonalno pravobranilaštvo zastupa po zakonu, kao i u drugim slučajevima određenim zakonom, u kojem slučaju su svi organi uprave, službe za upravu i pravna lica dužni da o takvim aktima, kad za njih saznaju, obavijeste Kantonalnog pravobranilaoca.

U skladu sa propisanom nadležnosti Pravobranilaštva i opisu poslova nosilaca pravobranilačke funkcije, u skladu sa Zakonom, Pravobranilaštvo Kantona obezbjeduje:

- zakonito, stručno i efikasno vršenje poslova iz svoje nadležnosti,
- ostvarivanje saradnje sa ministarstvima, kantonalnim i općinskim organima, sa organima i organizacijama na nivou Federacije BiH, sa organima pravosuđa na svim nivoima, sa pravobranilaštvima na svim nivoima, posebno radi ujednačavanja prakse i zauzimanja stavova po istim ili sličnim pravnim pitanjima,
- praćenje i proučavanje sudske prakse i zauzimanje jedinstvenih stavova na Stručnom kolegiju vezano za predmete iz nadležnosti Pravobranilaštva i drugih spornih pitanja iz svog djelokruga rada.

U 2020. godini u radu Kantonalnog pravobranilaštva Zenica evidentirano je ukupno 11.198 predmeta, od kojih je 239 parničnih spisa (oznaka „P“), 9.956 izvršna spisa i to 7.841 spisa koji se odnose na neplaćenu sudsku taksu (oznaka „Ist“) i 2.115 ostalih izvršnih spisa (oznaka „I“), 7 upravnih spisa (oznaka „U“), 626 mišljenja (oznaka „M“), 294 raznih spisa (oznaka „R“), te 76 internih spisa (oznaka „Up“).

Od ukupnog broja svih predmeta u radu u 2020. godini (2.106 zaprimljenih predmeta i 9.092 nezavršenih predmeta prenesenih iz prethodne godine), u izvještajnom periodu je okončano ukupno 2.422 predmeta, dok je kao nezavršenih preneseno u narednu godinu 8.776 predmeta (od kojih se 8.496 predmeta odnosi na izvršne spise i to 6.564 za naplatu sudske takse i 1.932 za ostala prinudna izvršenja).

## **II Poslovi zastupanja**

U okviru aktivnosti na poslovima zastupanja, kao najznačajnijim poslovima iz nadležnosti Pravobranilaštva, Pravobranilaštvo je angažovano na poslovima:

- sačinjavanja tužbi Kantona protiv trećih lica i upućivanja istih nadležnim sudovima,
- izrade odgovora na zaprimljene tužbe protiv Kantona,
- ulaganju redovnih (žalbi, prigovora) i vanrednih pravnih lijekova (revizija, apelacija) protiv odluka sudova,
- uključivanja u svojstvu umješača u sudske sporove po tužbama protiv drugih pravnih lica (osnovnih i srednjih škola radi primjene kolektivnih ugovora), te izrade odgovora tuženih na tužbe, te redovnih i vanrednih pravnih lijekova i apelacija,
- podnošenja prijedloga za izvršenje u ime Kantona i ulaganju prigovora protiv rješenja o izvršenju donesenih protiv Kantona, izradi pismenih podnesaka u toku trajanja izvršnog postupka,
- davanja pismenog odgovora na pravne lijekove druge stranke u postupku,
- zaključivanja sudskih i vansudskih nagodbi,
- podnošenja imovinsko-pravnih zahtjeva u krivičnim postupcima,
- pristupa i zastupanja na sudskim ročištima i raspravama pred organima uprave radi zastupanja interesa Kantona.

U sudskim i upravnim postupcima Pravobranilaštvo učestvuje u svojstvu stranke u postupku i dužno je da poduzima sve pravne radnje koje su potrebne radi zaštite imovinsko-pravnih interesa Kantona.

U sudskim postupcima Pravobranilaštvo se pojavljuje u ulozi zakonskog zastupnika tužitelja, tuženog ili umješača u parničnim postupcima, (što podrazumjeva uključivanje u sporove koji se vode pred sudom između drugih pravnih lica u pravnim situacijama kada Kanton ima interes da jedna od strana u sporu uspije u postupku), te tražitelja izvršenja i izvršenika u izvršnim postupcima.

U 2020. godini u radu je bilo ukupno 11.198 parničnih, izvršnih i upravnih predmeta, a Pravobranilaštvo je zastupalo Kanton na ukupno 103 zakazanih ročišta u sudskim postupcima, pred općinskim sudovima Zeničko-dobojskog kantona, Kantonalnim sudom u Zenici, te općinskim i kantonalnim sudovima van područja Kantona.

### **PARNIČNI POSTUPAK („P“)**

U 2020. godini Pravobranilaštvo je u radu imalo 239 parničnih predmeta, od kojih je zaprimljeno 36 novih predmeta, a 203 predmeta preneseno je iz prethodne godine.

U izvještajnom periodu pravosnažno je okončano 89 parnica, a u 2021. godinu preneseno je 150 nezavršenih predmeta iz ranijeg perioda.

Pravobranilaštvo je tokom 2020. godine u ime Kantona podnijelo ukupno 7 tužbi i dalo 29 odgovora na tužbe, uložilo 20 žalbe na prvostepene presude i dalo 3 odgovora na žalbe suprotne strane, izjavilo 4 reviziju Vrhovnom sudu Federacije BiH protiv drugostepene odluke, te dalo 1 odgovora na reviziju suprotne strane.

Po zaprimljenim i riješenim tužbama u 2020. godini, Pravobranilaštvo je zastupalo Kanton u ukupno 125 parničnih postupaka, od kojih je

- u 52 parnica bio u ulozi tužitelja,
- u 73 parnica u ulozi tuženog.

Ukupna vrijednost svih parničnih sporova evidentiranih u izvještajnom periodu iznosi 10.999.106,23 KM, u kojima je Kanton bio tužilac i tuženi.

Po podnesenim tužbama Kantona protiv trećih lica, zaprimljenih i okončanih u 2020. godini, ukupna vrijednost sporova je iznosila 366.296,30 KM od čega se iznos od 265.480,41 KM odnosi na zaprimljene tužbe a iznos od 100.816,30 KM na okončane tužbe u izvještajnom periodu.

Ukupna vrijednost spora svih podnesenih tužbi protiv Kantona (računajući i tužbe protiv osnovnih i srednjih škola) zaprimljenih, te okončanih u 2020. godini iznosi 10.632.809,93 KM, od čega se iznos od 468.357,65 KM odnosi na zaprimljene tužbe, a iznos od 10.164.452,28 KM na pravosnažno okončane tužbe.

| Vrijednost svih parničnih sporova | Vrijednost tužbi Kantona protiv trećih lica | Vrijednost tužbi protiv Kantona | Vrijednost pravosnažno okončanih tužbi | Vrijednost dosuđenih tužbi teret Kantona | Vrijednost odbijenih tužbi u odnosu na Kanton |
|-----------------------------------|---------------------------------------------|---------------------------------|----------------------------------------|------------------------------------------|-----------------------------------------------|
| 10.999.106,23 KM                  | 366.296,30 KM.                              | 10.632.809,93 KM                | 10.164.452,28 KM                       | 1.404.462,80 KM                          | 6.416.715,64 KM.                              |

Tokom 2020. godine u redovnom parničnom postupku, pravosnažno je okončano 44 predmeta po tužbama protiv Kantona, kojima je utuženo ukupno 10.164.452,28 KM, radi potraživanja po raznim osnovama (dug, naknada štete, radni spor i dr.), a dosuđeno je ukupno 1.404.462,80 KM, (usvojeno je 25 tužbi /2 u cjelosti, 5 djelimično/, 18 tužbi je u cjelosti odbijeno za utuženi iznos od 6.416.715,64 KM.

18 okončanih predmeta odnosi se na tužbe protiv Kantona, osnovnih i srednjih škola, radi neposredne primjene kolektivnih ugovora, u kojima je potraživano ukupno 1.499.413,28 KM, a dosuđeno je ukupno 1.343.467,86 KM.

| Pravosnažno<br>o okončano | Vrijednost<br>pravosnažno<br>okončanih predmeta | Vrijednost<br>pravosnažno<br>dosuđenih tužbi | U cjelosti<br>odbijene<br>tužbe | Vrijednost<br>pravosnažno<br>odbijenih tužbi | Uspjeh tužitelja<br>u sporu |
|---------------------------|-------------------------------------------------|----------------------------------------------|---------------------------------|----------------------------------------------|-----------------------------|
| 44 spisa                  | 10.164.452,28 KM                                | 1.404.462,80 KM                              | 18 tužbi                        | 6.416.715,64 KM                              | 15,68 %                     |

Po tužbama Kantona okončano je 45 predmeta, u kojima je utuženo ukupno 100.816.30 KM, od čega je 43 tužbe usvojene u cjelosti i dosuđeno u korist Kantona ukupno 24.746,73 KM, po jednoj tužbi sačinjena je sudska nagodba na iznos od 76.069,57 KM i po jednoj tužbi tužbeni zahtjev je u cijelosti odbijen ali bez oznake vrijednosti spora jer se radilo u tužbi u upravnom sporu.

| Pravosnažno<br>okončane tužbe<br>Kantona | Vrijednost spora<br>po tužbama<br>Kantona | Usvojene u<br>cjelosti tužbe<br>Kantona | Vrijednost<br>dosuđenih<br>tužbi u korist<br>Kantona | Vrijednost<br>sudske<br>nagodbe u<br>korist Kantona | Uspjeh tužitelja u<br>sporu |
|------------------------------------------|-------------------------------------------|-----------------------------------------|------------------------------------------------------|-----------------------------------------------------|-----------------------------|
| 45 tužbi                                 | 100.816.30 KM                             | 43 tužbe                                | 24.746,73 KM                                         | 76.069,57 KM                                        | 100 %                       |

Od ukupno 89 pravosnažno okončanih predmeta u 2020. godini

- po tužbama protiv Kantona, dosuđeno je ukupno 1.404.462,80 KM (od čega se 679,34 KM odnosi na naknade po osnovu kolektivnih ugovora, uprava, MUP i pravosuđe i 60.316,00 KM na ugovorene i regresne dugove, naknade šteta, naknade iz radnog odnosa, imovinska prava, a po tužbama protiv osnovnih i srednjih škola radi primjene granskih kolektivnih ugovora dosuđeno je ukupno 1.343.467,86 KM i to protiv osnovnih škola), a
- u korist Kantona presuđeno je ukupno 6.517.531,94 KM, bilo da su usvojeni tužbeni zahtjevi Kantona ili su tužitelji odbijeni u cjelosti ili djelimično sa tužbenim zahtjevom ili je došlo do povlačenja tužbi od strane tužitelja ili je postupak okončan na drugi način (odbacivanjem tužbe, prekid postupka i sl.).

Povlačenjem tužbi u 2020. godini okončano je ukupno 1 predmet, ukupne vrijednosti spora 5.218.000,00 KM a odnosi se na naknadu štete za izgubljenu dobit protiv Kantona radi nezaključenja ugovora o koncesiji.

U postupcima po tužbama Zeničko-dobojskog kantona nije bilo povlačenja tužbi, na način da su tuženi izmirili dug, radi čega će iz navedenih postupak proistići postupci izvršenja.

| Pravosnažno<br>okončanih u<br>2020.godini | Pravosnažno<br>okončanih tužbi-<br>Kanton tuženi | Pravosnažno<br>okončanih<br>tužbi-Kanton<br>tužitelj | Vrijednost<br>pravosnažno<br>dosuđenih tužbu<br>na štetu kantona | Vrijednost<br>pravosnažno<br>odbijenih tužbi<br>prema Kantonu | Vrijednost<br>pravosnažno<br>dosuđenih tužbu<br>u korist Kantona |
|-------------------------------------------|--------------------------------------------------|------------------------------------------------------|------------------------------------------------------------------|---------------------------------------------------------------|------------------------------------------------------------------|
| 89 tužbi                                  | 45 tužbi                                         | 44 tužbi                                             | 1.404.462,80 KM                                                  | 6.416.715,64 KM                                               | 100.816.30 KM                                                    |

### Sporovi za naknadu štete

*U strukturi sporova za naknadu štete najznačajniji su sporovi zbog štete nastale neizvršenjem zakonskih i ugovornih obaveza, a najbrojniji su sporovi za štete nastale zbog šumske krađe, zatim štete na vozilu učesnika u saobraćaju zbog neadekvatnog održavanja puteva iz nadležnosti Kantona, štete zbog povreda na radu, štete nastale zbog nepropisnog postupanja državnih organa, štete zbog napada pasa litalica i dr.*

*Iz ove grupacije sporova, Pravobranilaštvo je u 2020. godini zastupalo Kanton u 38 predmetu (ukupna v.s. 8.778.167,21 KM), od kojih su*

- 14 predmeta zaprimljena u toku godine ukupne vrijednosti sporova od 157.386,53 KM u kojima je Kanton tuženi.*
- 13 predmeta je okončano u 2020. godini ukupne vrijednosti sporova od 8.620.780,68 KM u kojim je Kantona bio tuženi.*

*Od ukupno 13 pravosnažno okončanih predmeta po ovom osnovu, Kanton je obavezan za ukupnu vrijednost od 59.352,26 KM.*

*Od ukupno 45 podnesene tužbe za naknadu štete Kantona, 43 tužbi su u cjelosti usvojene, v.s. 100.816,30 KM.*

*Od ukupno 13 tužbi podnesenih protiv Kantona za naknadu štete, 4 tužbe su djelimično usvojene za iznos od 59.352,26 KM (zbog naknade štete pričinjene nezakonitim radom državnog organa, naknada štete zbog nezaključenja ugovora o koncesiji sa rudnicima i izgublenu dobit, naknade štete prouzrokovane poplavama, šteta nastala radnjom propusta sudija i drugih službenih lica u organuma uprava, naknada štete prouzrokovane na regionalnim cestama) 9 tužbi je odbijen u cjelosti tužbeni zahtjev za ukupan vrijednost spora od 8.561.428,42 KM.*

*Tužbama protiv Kantona zaprimljenim u 2020. godini (14 tužbi), potražuje se naknada štete u ukupnom iznosu od 157.386,53 KM, koje se odnose na potraživanje naknade materijalne i nematerijalne štete zbog propusta u postupanju organa uprave, štete u saobraćaju, naknadu štete zbog napada životinja.*

*Pravobranilaštvo je u ime Kantona u toku 2020. godine podnijelo 7 tužbi radi naknade štete u ukupnom iznosu od 265.480,41 KM.*

### Štete zbog neizvršenja ugovornih i zakonskih obaveza

*U ovoj grupaciji sporova prisutni su privredni sporovi koji proizilaze iz raznih pravnih odnosa Kantona sa drugim pravnim subjektima, i to najčešće radi naplate dospjelih, a nenaplaćenih obaveza koje proizilaze iz zakona, koncesionih ugovora, ugovora o kreditima, ugovora o raznim vrstama usluga, te kupoprodajnih ugovora po kojima nisu ispoštovani ugovoreni rokovi za plaćanje ugovorenih naknada. U ovim predmetima, kada dug nije sporan, u većini slučajeva dužnik izmiri dug prije nego što se zakaže rasprava po tužbi, u kojem slučaju tužitelj povlači tužbu.*

*U izvještajnom periodu Pravobranilaštvo je u ime Kantona podnijelo 7 tužbi radi naplate duga, ukupne vrijednosti od 265.480,41 KM (od čega su 3 tužbe za povrat poticajnih sredstava u iznosu od 40.000,00 KM, 3 tužbe za regresni dug u iznosu od 222.502,99 KM i 1 tužba radi duga), dok je u istom periodu protiv Kantona podneseno 5 tužbi radi naplate duga ukupne vrijednosti 161.198,52 KM (regresni dug i isplata ugovornih obaveza).*

*U izvještajnom periodu, po ovom osnovu pravosnažno je okončano 3 spora po tužbama Kantona, podnesenim u ranijem periodu, ukupne vrijednosti 93.869,57 KM, tako što je*

- 2 tužbe usvojena u ukupnom iznosu od 17.800,00 KM (dug za koncesionu naknadu) i
- 1 tužba je riješena sudskom nagodbom za utuženi iznos od 76.069,57 KM, (tužba po osnovu duga za koncesionu naknadu).

#### **Štete proistekle iz šumske krađe**

U toku 2020. godine Pravobranilaštvo nije bilo podnesenih tužbi za naknadu štete zbog šumske krađe iz razloga jer Pravobranilaštvo, od strane Kantonalne uprave za šumarstvo, nije bilo zahijeva za pokretanje postupaka za utuženje.

Po ranije podnesenim tužbama radi duga za izvršenu šumsku krađu, u 2020. godini okončano je 41 spor ukupne vrijednosti od 6.946,73 KM, tako što su sve tužbe u cijelosti usvojene.

#### **Štete nastale u saobraćaju**

Kako je Kanton odgovoran za bezbjedno odvijanje saobraćaja na cestama kojim upravlja, tužbe za štete nastale u saobraćaju najčešće se podnose za štete nastale zbog neadekvatnog održavanja cesta i objekata na istim, nepostavljanja odgovarajućih znakova upozorenja, odrona kamena na cestama i sl. (urušavanje mosta, oštećenje objekta usljed rekonstrukcije puta, saobraćajne nesreće usljed oštećenja puta, te drugi uzroci nastanka šteta na vozilu).

U izvještajnom periodu evidentirane su 4 tužbe protiv Kantona radi šteta nastalih u saobraćaju, ukupne vrijednosti spora od 8.826,98 KM.

Po tužbama protiv kantona iz ranijih godina, po ovom osnovu u 2020. godini okončan je 1 spor, tako što je za utuženi iznos od 20.000,00 KM dosuđen iznos os 12.789,80 KM.

#### **Štete pričinjene trećim licima od strane organa ili uposlenika Kantona**

Za štetu koju trećem licu u vršenju ili u vezi sa vršenjem svojih funkcija prouzrokuje kantonalni organ ili uposlenik Kantona, odgovara Kanton, kao pravno lice.

U toku 2020. godine podnesene su 4 tužbe protiv Kantona za naknadu šteta po ovom osnovu, ukupne vrijednosti od 40.961,60 KM. Tužbe su podnesene radi naknade materijalne štete zbog propusta u postupanju inspekcije MUP-a ZDK i uposlenika Općinskog suda.

U okviru ove grupacije sporova, u 2020. godini pravosnažno je okončano 2 predmeta u kojima je potraživano ukupno 85.500,00 KM, tako što je 1 tužba u cijelosti odbijena a jedna tužba je u cijelosti povučena.

#### **Štete nastale na radu ili u vezi sa radom**

U izvještajnom periodu u Pravobranilaštvo je zaprimljena jedna tužba radi naknade štete zbog povrede na radu.

Iz ove grupacije sporova u 2020. godini su pravosnažno okončana 1 tužba radi naknade štete zbog povrede na radu uposlenika Kantona, kojom je potraživan iznos od 8.500,00 KM, a dosuđen je iznos od 2.900,00 KM.

#### **Sporovi radno-pravnog karaktera**

U 2020. godini Pravobranilaštvo je zastupalo Kanton (kao tuženog i kao umješaka na strani tuženog) u 30 sudskih sporova radno-pravnog karaktera (7 podnesenih tužbe i 23 pravosnažno okončanih tužbi).



### **Sporovi radi isplate plaća i naknada po Kolektivnim ugovorima**

Radi isplate razlika plaća i drugih naknada primjenom Kolektivnog ugovora za djelatnost osnovnog obrazovanja u Federaciji BiH, u 2020. godini protiv osnovnih škola i srednjih škola sa područja Kantona podneseno nije bilo novih tužbi.

U toku 2020. godine podneseno je 5 tužbe protiv Kantona, radi isplate razlika plaća i drugih naknada na osnovu Kolektivnog ugovora za službenike organa uprave i sudske vlasti u Federaciji BiH ukupne vrijednosti 15.986,60 KM, a koje se odnose na potraživanja uposlenika MUP-a, 3 tužbe i državnih službenika i namještenik organa uprave 2 tužbe.

Po tužbama radi isplate plaća i naknada na osnovu granskih kolektivnih ugovora iz 2000. godine, u izvještajnom periodu riješeno je 19 tužbi, kojima je utuženo ukupno 1.503.713,28 KM, a dosuđeno ukupno 1.344.147,20 KM i to:

- 1 tužba podnesena od strane 3 tužitelja - uposlenika kantonalne uprave, koji su potraživali iznos od 4.300,00 KM, djelimično je usvojena za iznos od 679,34 KM, a odbijena za ostatak potraživanja,
- 18 tužbi podnesenih od strane 125 tužitelja - zaposlenika osnovnih škola na području Kantona, koji su potraživali ukupno 1.499.413,28 KM, riješeno je tako što su sve tužbe usvojene djelimično, za ukupno dosuđeni iznos od 1.343.467,86 KM, a tužitelji su odbijeni za ostatak tužbenog zahtjeva.

Naprijed navedene tužbe, po kojima su donesene pravosnažne presude u toku 2020. godine, većim dijelom se odnose na utužene periode prije prestanka važenja granskih kolektivnih ugovora zaključenih 2000. godine, tj. prije decembra 2016. godine, a manjim dijelom na kasnije periode, kada su bili na snazi granski kolektivni ugovori zaključeni krajem 2016. godine, u kojem slučaju su tužbeni zahtjevi bili osnovani samo u dijelu u kojem važeći kolektivni ugovori nisu bili primjenjeni.

### **Ostali radni sporovi**

U 2020. godini Pravobranilaštvo je zaprimilo 2 tužbe protiv Kantona radi ostvarenja ostalih prava uposlenika iz radnog odnosa, koja glase na novčano potraživanje, kojima se potražuje ukupno 52.789,00 KM (poništenje rješenja o prestanku radnog odnosa i naknade plaće).

Iz ove grupacije u 2020. godini okončano je 3 spora po tužbama radi isplata razlike otpremnine i naknada za prevoz, u kojima je potraživano ukupno 23.854,60 KM, tako što je usvojena 1 tužba za ukupan iznos od 963,34 KM (djelomično usvojen), a odbijeni su za ukupan iznos od 14.033,00 KM. Dva tužbena zahtjeva, kojima je potraživan ukupan iznos od 8.376,00 KM, odbijena su u cjelosti.

### **IZVRŠNI POSTUPAK („I“)**

Tokom 2020. godine u radu Pravobranilaštva evidentirano je ukupno 9.956 izvršna predmeta (7.841 predmeta radi naplate sudske takse /„Ist“/ i 2.115 ostala izvršna predmeta /“I“/), od kojih je 6.678 preneseno iz predhodne godine.

U izvještajnom periodu zaprimljeno je 1.246 nova izvršna predmeta (83 radi primudne naplate pravosnažno dosuđenih potraživanja i 1.163 radi primudne naplate sudske takse), pravosnažno je okončano 1.460 predmeta, dok je 8.496 nezavršenih predmeta preneseno u narednu godinu.

Od ukupno 1.233 zaprimljena izvršna predmeta, 1.163 predmeta se odnose na prijedloge za izvršenje, koje je u 2020. godini, u ime Kantona, Pravobranilaštvo podnijelo nadležnim sudovima, koji se odnosi na prinudnu naplatu neplaćene sudske takse i 70 prijedloga za prinudnu naplatu duga po osnovu ugovora o koncesiji, duga za štete nastale izvršenom šumskom krađom, te neplaćene troškove parničnog i izvršnog postupka, koji su dosuđeni u korist Kantona.

13 predmeta se odnosi na prijedloge za izvršenje za prinudnu naplatu duga, koji su podneseni protiv Kantona, radi naplate dosuđenih naknada na osnovu pravosnažnih presuda.

Od ukupno 9.956 izvršnih predmeta, koji su bili u radu u toku 2020. godine, donošenjem rješenja o izvršenju okončano je ukupno 1.460 predmeta, od kojih se 1.277 predmeta odnosi na sudske takse, a 183 predmeta na ostala izvršenja. Po osnovu neplaćene sudske takse u toku 2020. godine u korist Kantona je realizovano, odnosno naplaćeno ukupno 181.878,56 KM a za premedmte ostalih izvršenja po raznim osnovama ukupan iznos od 441.328,28 KM, odnosno ukupno iznos od 623.206,84 KM.

| Ukupno u radu | Pravosnažno je okončano/naplaćeno | Sudske takse „Ist“ | Ostali izvršni predmeta „I“, | Preneseno iz predhodne godine | Zaprimljeno izvještajnom periodu | Preneseno u narednu godinu |
|---------------|-----------------------------------|--------------------|------------------------------|-------------------------------|----------------------------------|----------------------------|
| 9.956         | 1.460                             | 7.841              | 2.115                        | 6.678                         | 1.246                            | 8.496                      |
| Vrijedn ost   | 803.479,21 KM                     | 181.878,56 KM      | 621.600,65 KM                |                               |                                  |                            |

Izvršni postupci, u kojima se Kanton pojavljuje u ulozi tražioca izvršenja, odnose se na izvršni postupak pokrenut protiv lica koja ne vraćaju kredite dobijene iz budžetskih sredstava, lica za koja je utvrđeno u krivičnim i prekršajnim postupcima da su odgovorni za šumsku krađu, lica koja nisu po rješenju suda platili sudsku taksu i prijedlozi protiv pravnih i fizičkih lica, koja nisu platila obaveze dosuđene Kantonu pravosnažnim presudama. U ovom dijelu smatramo bitnim navesti da je Pravobranilaštvo u izvještajnom periodu, u postupku izvršenja u pravnoj stvari protiv izvršenika radi isplate duga „Natron“ D.D. Maglaj, provelo postupak u kojem je u budžet Kantona uplaćen iznos od 621.600,65 KM koji se odnosi na glavni dug i zakonske zatezne kamate.

U okviru preventivnog djelovanja, prije pokretanja izvršnog postupka, Pravobranilaštvo je upućivanjem pismenih opomena dužnicima u većem broju predmeta uspjelo da obezbijedi plaćanje sudske takse bez podnošenja prijedloga za izvršenje.

Prijedlozi za izvršenje koji se podnose u ime Kantona, odnose se uglavnom na prinudnu naplatu sudske takse koja nije plaćena dobrovoljno u vođenim parničnim postupcima pred općinskim sudovima u Kantonu, koje su određene rješenjem sudova. U toku trajanja izvršnog postupka do konačne naplate duga i dalje su prisutni problemi koji se odnose na ispravnu oznaku naziva i adrese izvršenika i na statusne promjene izvršenika, što je od uticaja na dužinu i ishod samog izvršnog postupka. A takođe su izvršenja po prijedlogu Kantona u većem broju slučajeva otežana i iz razloga što su računi izvršenika često blokirani ili ugašeni, odnosno što izvršenik-fizičko lice nema nikakve imovine na kojoj bi se moglo provesti izvršenje.

Također, Pravobranilaštvo se dostavlja rješenja za plaćanje sudske takse u kojima je takseni obveznik strano pravno lice, odnosno fizičko lice koje ima prijavljeno prebivalište van teritorije Bosne i Hercegovine. U tom slučaju jedini način za naplatu sudske takse je provođenje postupka izvršenja u zemlji u kojoj pravno lice ima sjedište, odnosno fizičko lice boravište, na način da je potrebno postupiti prema pravnom pravilu „Lex rei siti“, odnosno preme pravilim domaćeg prava. Ovakav postupak je nije svrsishodan jer podrazumijeva prethodno predujmljivanje troškova koji su najčešće nesrazmjerni u odnosu na glavno potraživanje. U tom smislu je od značaja uloga nadležnih sudova koji odlučuju u postupcima i utvrđuju taksu da vode računa o taksenom obvezniku, da li se radi o stranoj pravnoj ili fizičkoj osobi, jer u dosadašnjoj praksi takva potraživanja ostaju ne naplaćena jer su predmet složene procedure povezane sa nesrazmjernim troškovima.

*U toku 2020. godine u svim okončanim parničnim i izvršnim postupcima, na ime naknade i nagrade za rad (zastupanje) Kantonalnog pravobranilaštva, koji predstavljaju troškove postupka, u korist Kantona, ukupno je dosuđeno 53.080,036 KM i to: 17.509,36 KM na ime troškova parničnog postupka i 35.580,00 KM na ime troškova izvršnog postupka, kao i iznos od 198.06.,07 KM zakonskih zateznih kamata. Ova sredstva se uplaćuju direktno u Budžet Kantona i ista nisu predviđena stavkom "prihodi budžeta", jer se ista dosuđuju za rad pravobranilaca na osnovu odredaba Zakona o parničnom postupku prema advokatskoj tarifi, kada Pravobranilaštvo u potpunosti ili djelimično uspije u sporu, pa slijedi da su ista doprinos Kantonalnog pravobranilaštva Budžetu Kantona.*

### **UPRAVNI POSTUPAK („U“)**

*Tokom 2020. godine Pravobranilaštvo je u radu imalo 7 predmeta u upravnom postupku i upravnom sporu, s tim što su 4 predmeta prenesena kao nezavršena iz prethodne godine, 3 je zaprimljen u 2020. godini, 2 predmeta su okončana, te su 45 predmeta, kao nezavršena, prenesena u 2021. godinu.*

### **OSTALI PREDMETI („R“)**

*Ostali predmeti pod oznakom „R“, odnose se na izradu pojedinačnih informacija iz nadležnosti Pravobranilaštva, podnošenje imovinsko-pravnih zahtjeva u krivičnim postupcima protiv lica koja su izvršenjem krivičnog djela oštetili Budžet Kantona, prijedlozi za uknjižbu imovinskih prava, izjašnjenja Pravobranilaštva po podnesenim prijavama zbog neizvršenja pravosnažnih presuda, razne prepiske između Pravobranilaštva i subjekata čije interese Pravobranilaštvo zastupa ili subjekata koji se pismeno obraćaju Pravobranilaštvu po raznim pravnim pitanjima i dr.*

*Iz ove grupacije predmeta u 2020. godini evidentirano je u radu 294 predmet, od kojih je 215 okončano, a rješavanje 79 predmeta je preneseno u 2021. godinu.*

## **III Preventivna djelatnost Pravobranilaštva**

*Preventivna djelatnost Pravobranilaštva usmjerena je na spriječavanje nastanka povrede imovinskih prava subjekta, čije interese Pravobranilaštvo zastupa, odnosno na smanjenje vrste i obima tih povreda, zatim na sporazumno rješavanje spornih imovinsko-pravnih odnosa, kad je to moguće i pravno osnovano.*

*Pravobranilaštvo preduzima i druge preventivne radnje i mjere koje utiču na smanjenje štetnih posljedica po državnu imovinu, izbjegavanje nepotrebnih sudskih postupaka i troškova, te bržeg ostvarivanja nespornih prava subjekta kojeg zastupa.*

*U okviru preventivnog djelovanja, Pravobranilaštvo daje pravna mišljenja organima i tijelima Kantona po pitanju korišćenja i raspolaganja državnom imovinom, pruža stručnu pomoć organima i tijelima Kantona čije interese zastupa u rješavanju imovinsko-pravnih pitanja, kao i drugih subjekata kada je to u interesu Kantona, predlaže nadležnim organima poduzimanje određenih pravnih radnji u cilju zaštite državne imovine, te sarađuje sa kantonalnim i općinskim tijelima u rješavanju imovinsko-pravnih pitanja.*

*U skladu sa članom 13. Zakona o pravobranilaštvu, kantonalni organi i organizacije čije imovinsko-pravne interese Pravobranilaštvo zastupa, dužna su da u poslovima pravnog prometa prije zaključenja pravnog posla, pribave mišljenje Pravobranilaštva.*

U 2020. godini Pravobranilaštvo je imalo zastupljene sve navedene oblike preventivnog djelovanja, od kojih su najzastupljeniji davanje pravnih mišljenja (oznaka „M“), te upućivanje opomena za dobrovoljno ispunjenje obaveza za koje su Pravobranilaštvu upućeni prijedlozi za podnošenje tužbi ili prijedlozi za izvršenje od nadležnih kantonalnih organa.

U izvještajnom periodu Pravobranilaštvo je u radu imalo 626 zahtjeva za davanje pravnih mišljenja, od kojih je 46 zahtjeva preneseno iz prethodne godine, a 580 zaprimljeno u 2020. godini. Ukupno je dato 595 pravnih mišljenja, od kojih se 473 odnosi na pravna mišljenja po ugovorima (kupoprodajni ugovori, ugovori o koncesijama, ugovori o građenju, ugovori o raznim vrstama usluga, ugovori o zakupu i dr.), a 122 mišljenja se odnosi na druga pravna pitanja iz različitih pravnih oblasti (imovinsko-pravna pitanja, radno pravo, naknada štete, obligaciona prava mogućnosti sklapanja sudskih i vansudskih nagodbi iz osnova sudskih presuda, te s tim u vezi pitanje redosljeda naplate potraživanja i dr.).

U okviru preventivnog djelovanja, Pravobranilaštvo kontinuirano sarađuje sa nadležnim kantonalnim ministarstvima, sudovima i tužilaštvima, kao i sa općinskim i kantonalnim pravobranilaštvima sa područja Federacije Bosne i Hercegovine u cilju usaglašavanja stajališta o određenim pravnim pitanjima i što efikasnije zaštite imovinskih interesa Kantona.

#### **IV Poslovi vezani za rad Pravobranilaštva**

U okviru poslova vezanih za rad Pravobranilaštva, najčešći su poslovi izrade raznih rješenja o pravima iz radnog odnosa zaposlenika u Pravobranilaštvu (rješenja o ocjeni namještenika i državnog službenika, o korištenju godišnjeg odmora, te drugim pravima iz radnog odnosa), uvjerenja izdata o podacima iz službene evidencije Pravobranilaštva, izrada općih akata Pravobranilaštva, te izvještaji i informacije o radu Pravobranilaštva.

Iz ove grupacije predmeta („Up“) u radu je bilo 76 predmeta, od kojih je 61 završeno u 2020. godini, a 15 predmeta su prenesena u narednu godinu.

#### **V Kadrovi**

U Kantonalnom pravobranilaštvu Zenica angažovano je 8 uposlenika (od kojih su 3 nosioci pravobranilačke funkcije, pravobranilac i 2 zamjenika), 1 državni službenik (stručni saradnik) i 4 namještenika (tehnički sekretar, upisničar, operater-upisničar i kurir-spremačica).

U izvještajnom periodu došlo je imenovanja na poziciju Pravobranilac, Odluka Skupštine Zeničko-dobojskog kantona broj: 01-30-16079/20 od 29.09.2020.god. (Službene novine ZDK-a, broj: 17/20), iz razloga jer je ranijem pravobranilocu prestao radni odnos radi sticanja uslova za penzionisanje. Imenovani Pravobranilac je ranije bio Zamjenik pravobraniloca u ovom Pravobranilaštvu radi čega je potrebno voditi računa o pokretanju procedure imenovanja zamjenika pravobraniloca a shodno Pravilniku o unutrašnjoj organizaciji i sistematizaciju radnih mjesta u Kantonalnom pravobranilaštvu, kako bi se rad mogao nesmetano obavljati u skladu iz Zakonom o pravobranilaštvu i citiranim pravilnikom.

Stupanjem na snagu odluke o imenovanju za Pravobraniloca u Kantonalnom pravobranilaštvu Zeničko-dobojskog kantona izvršena je primopredaja stalnih sredstava, dokumentacije, inventara i svih spisa o čemu je sačinjen zapisnik koji je dostavljen Ministarstvu za pravosuđe i upravu.

Imajući u vidu zakonom propisanu nadležnost Kantonalnog pravobranilaštva, obim i složenost poslova koje obavlja, posebno strogo poštivanje zakonskih rokova za poduzimanje potrebnih radnji u svim postupcima, bilo bi optimalno da se u Pravobranilaštvu, pored popune na poziciji zamjenika, angažuje najmanje 2 pravnik-pripravnika godišnje, što bi značajno doprinijelo efikasnijem radu

Pravobranilaštva (posebno na izvršnom referatu), a takođe bi za pravnike-pripravnike bilo značajno obučavati se i raditi na predmetima iz raznih oblasti prava. Angažovanjem pripravnika ili volontera, eveliko bi se odrazilo na rad u jednostavnijim i manje složenim pravnim stvarima a s druge strane to bi dalo mogućnost da poslije završenog pripraničkog staža, pripravnici ili volonteri budu osposobljeni za rad na složenijim pravnim poslovima a time bi Pravobranilaštvo dalo svoj doprinos u segmentu društvene odgovornosti.

Obzirom da je i u ranijim izvještajima navedena potreba angažmana pripravnika kao i razlozi za njihov angažman očekujemo da će se u narednom periodu pristupiti i realizaciji jer bi se isto direktno odrazilo na izvršni referat, odnosno u postupcima u kojima Pravobranilaštvo podnosi prijedloga za prinudnu naplatu potraživanja u korist budžeta Kantona.

## **VI Materijalno-tehnička opremljenost Pravobranilaštva**

U pogledu materijalne opremljenosti, Kantonalno pravobranilaštvo radi u poslovnim prostorijama izgrađenim 70-tih godina prošlog vijeka, koje je potrebno u cjelosti renovirati iz razloga što postoji realna opasnost od nastanka štete od instalacija koje nisu dostatne, što zbog dotrajalosti što zbog nepostojanja uopće, da udovolje potrebama normalnog funkcionisanja i upotrebe stalnih sredstava kojim radimo.

Dalje, stanje službenih prostorija je dotrajalo da nisu dovoljna manja ulaganja jer je potrebno izmijeniti podove, stolariju, toalete, zatim promijeniti namještaj, da bi i izgled kancelarija Pravobranilaštva dao potreban dignitet ovoj instituciji, a pravobranilac, zamjenici pravobranioca i ostali uposlenici konačno dobili zadovoljavajući radni prostor, potpunu materijalnu opremljenost i samim tim optimalne uslove za efikasan rad.

Smatramo posebnim ukazati na nepobitnu činjenicu, a u prilog tome je i ovaj izvještaj, kao i raniji izvještaji, koji su pokazatelj značaja Pravobranilaštva u pitanju zaštite interesa kantona, kako u pravnim stvarima u kojim ima pasivnu, tako i u onim u kojim ima aktivnu ulogu u postupcima te zaštite. Ovo se posebno ogleda u ostvarenju konkretnog prihoda u budžet Kantona kroz postupke izvršenja gdje se Pravobranilaštvo pojavljuje kao zakonski zastupnik ali i sprečavanju rashoda iz budžeta u postupcima u kojima je Kanton tuženi. Dalje navodimo, a u prilog gore rečenom, da je budžet ovog organa minimalan ali isti upoređujući sa ostvarenim prihodom, kako direktnim tako i indirektnim, je dovoljan razlog da se Pravobranilaštvu da značaj koji mu pripada, kako u funkcionalnom tako i u materijalno-tehničkom, kadrovskom i svakom drugom obliku.

U tom smislu očekujemo da će se pristupiti renoviranju službenih prostorija u kojim je smješten ovaj organ, neovisno od činjenice što je postupak upisa vlasništva nad predmetnim prostorijama pred nadležnim sudom u toku, jer je neizvjesno do kad će isti trajati, a stanje u funkcionalnom smislu otežava rad i funkcionisanje Pravobranilaštva.

## **VII Osnovni zadaci i programska orijentacija Pravobranilaštva u 2021. godini**

U ostvarivanju principa ustavnosti i zakonitosti i ostvarivanju funkcija i zadataka koji prozilaze iz Zakona o pravobranilaštvu i drugih zakonskih propisa, aktivnosti Kantonalnog pravobranilaštva Zenica će i u narednom periodu biti usmjerene na

- Poduzimanju mjera i aktivnosti radi pravne zaštite imovine i imovinskih interesa Kantona,
- Afirmaciji svih vidova preventivne djelatnosti Pravobranilaštva, kao što su sporazumno rješavanje spornih odnosa,
- Kontinuiranom praćenju pojava i problema vezanih za primjenu zakona u praksi, te iniciranju izmjene istih, putem nadležnih institucija,

- Organizovanju radnih dogovora sa ministarstvima i drugim organima u cilju što stručnijeg i efikasnijeg rada i postizanja boljih rezultata u zaštiti imovine Kantona,
- Ostvarenju saradnje sa federalnim i državnim organima i pravobranilaštvima na svim nivoima radi ujednačavanja prakse i zauzimanja stavova po pravnim pitanjima vezanim za primjenu zakonskih i drugih propisa, saradnju sa pravosudnim organima, organima uprave i drugim pravnim subjektima u cilju ostvarenja funkcije koje proizilaze iz naše nadležnosti
- Ukazivanju Skupštini i Vladi Kantona na uočene pojave i probleme koji ugrožavaju i narušavaju imovinu Kantona, a do kojih saznanja bude dolazilo kroz rad na predmetima, kao i kroz podatke i obavještenja koja dostavljaju državni organi, preduzeća i druga pravna lica, te u okviru svoje nadležnosti, davati prijedloge za sprječavanje istih,
- Edukaciji nosilaca pravobranilačke funkcije i drugih uposlenika putem seminara, savjetovanja, kurseva, praćenja sudske prakse i nove zakonske regulative,
- Obezbjedenju kadrovskih i materijalno-tehničkih uslova za postizanje veće ažurnosti i efikasnosti u rješavanju predmeta iz nadležnosti Pravobranilaštva.
- Sačinjavanje Izvještaj o radu Kantonalanog pravobranilaštva za izvještajnu godinu.
- Redovno vršenje poslova na izradi raznih podnesaka koji se odnose na parnični, izvršni, vanparnični, upravni postupak kao i upravni spor pred nadležnim sudovima i drugim organima i tijelima koji odlučuju o pravima i obavezama Kantona, postupanje u zemljišno-knjžnim stvarima kod podnošenja zahtjeva za upis Kantona, izjavljivanje pravnih lijekova u tim postupcima i sl.
- Preduzimanje mjera i aktivnosti na utvrđivanju mogućnosti sporazumnog rješavanja spornih odnosa, a u već nastalim sporovima nastojati najefikasnije otkloniti sve štetne posljedice ili iste umanjiti. Preventivno djelovati kroz sugestije i pravna mišljenja subjektima koje zastupa kako bi se otklonili svi pravni osnovi za eventualno potraživanje štete ili drugog prava
- Obavezno učešće Pravobranilaštva u postupcima izrade Općih akata kojima se regulišu imovinsko-pravni odnosi.
- Praćenje i proučavanje društvenih odnosa koji su važni za ostvarivanje funkcije Pravobranilaštva.
- Uredno obavljati administrativno-tehničke poslove iz djelokruga ovog organa, poslovi pisarnice, uredno voditi propisane upisnike i druge poslove i zadatke.
- Raditi na izradi internih akta, pravilnika koji nisu doneseni ili usklađeni za zakonima koji su u nadležnosti Pravobranilaštva.
- Obezbijediti potrebna sredstva, donijeti potrebne materijalno - pravne osnove za arhiviranje predmeta shodno Zakonu o arhivskoj građi Zeničko-dobojskog kantona i drugih proisa koji regulišu postupanje sa arhivskom građom(predmetima i spisima).
- Rad na ažuriranju u rješavanju predmeta iz ranijih godina i pokretanja odgovarajućih postupaka
- Racionalno koristiti sredstva za rad te se pridržavati i drugih mjera štednje.
- Praćenje ostvarivanja ustavnosti i zakonitosti kao i o svim uočenim pojavama eventualnog kršenja pozitivnih propisa obavijestiti Skupštinu i Vladu Kantona.



#### **PRILOG:**

- **Tabela 1 – pregled prenesenih, zaprimljenih i riješeni predmeta po referatima u 2020. godini**
- **Tabela 2 – prikaz vrijednosti sporova u parničnim postupcima u izvještajnom periodu**

**Tabelarni prikaz spisa u 2020. godini**

| <b>Oznaka spisa</b>                 | <b>Broj spisa prenesenih iz 2019. godine</b> | <b>Broj spisa zaprimljenih u 2020. godini</b> | <b>Ukupan broj spisa u radu u 2020. godini</b> | <b>Broj okončanih spisa u 2020. godini</b> | <b>Broj prenesenih spisa u 2021. godinu</b> |
|-------------------------------------|----------------------------------------------|-----------------------------------------------|------------------------------------------------|--------------------------------------------|---------------------------------------------|
| <b>"P"</b><br>(parnični)            | 203                                          | 36                                            | 239                                            | 89                                         | 150                                         |
| <b>"I"</b><br>(izvršni)             | 2.032                                        | 83                                            | 2.115                                          | 183                                        | 1.932                                       |
| <b>"Ist"</b> (izvršni-sudska taksa) | 6.678                                        | 1.163                                         | 7.841                                          | 1.277                                      | 6.564                                       |
| <b>"U"</b><br>(upravni)             | 4                                            | 3                                             | 7                                              | 2                                          | 5                                           |
| <b>"M"</b><br>(mišljenja)           | 46                                           | 580                                           | 626                                            | 595                                        | 31                                          |
| <b>"R"</b><br>(razno)               | 115                                          | 179                                           | 294                                            | 215                                        | 75                                          |
| <b>"Up"</b><br>(interni)            | 14                                           | 62                                            | 76                                             | 61                                         | 15                                          |
| <b>Ukupno</b>                       | 9.092                                        | 2.106                                         | 11.198                                         | 2.422                                      | 8.776                                       |

|                                                                             |                                                        |                                                  |                                                        |                  |                 |
|-----------------------------------------------------------------------------|--------------------------------------------------------|--------------------------------------------------|--------------------------------------------------------|------------------|-----------------|
| Ukupna vrijednost svih parničnih sporova                                    |                                                        |                                                  |                                                        | 10.999.106,23 KM |                 |
| Vrijednost u sporovima u kojima je Kanton tužitelj                          |                                                        | Vrijednost u sporovima u kojima je Kanton tuženi |                                                        |                  |                 |
| 366.296,30 KM                                                               |                                                        | 10.623.809,93 KM                                 |                                                        |                  |                 |
| Vrijednost po zaprimljenim tužbama                                          | Vrijednost po pravosnažno okončanim tužbama (45 tužbi) | Vrijednost po zaprimljenim tužbama               | Vrijednost po pravosnažno okončanim tužbama (44 tužbe) |                  |                 |
| 265.480,41                                                                  | 100.816,30 KM                                          | 468.357,65 KM                                    | 10.164.452,28 KM                                       |                  |                 |
| Vrijednost u cjelosti usvojenih tužbi Kantona protiv trećih lica (43 tužbe) |                                                        |                                                  | Dosuđeno                                               |                  | Odbijeno        |
| 27.746, 73 KM                                                               |                                                        |                                                  | 1.404.462,80                                           |                  | 6.416.715,64 KM |
| Vrijednost sudske nagodbe u korist Kantona                                  |                                                        |                                                  |                                                        |                  |                 |
| 76.069,57 KM                                                                |                                                        |                                                  |                                                        |                  |                 |

*Tabelarni prikaz vrijednosti sporova u parničnim postupcima u izvještajnom periodu*